

Ajensia Internasional ba Dezenvolvementu Feto nian (IWDA)

Ajensia Internasional ba Dezenvolvementu Feto nian (IWDA) hela iha Australia, serbisu hamutuk ho organizasoens lokais iha Asia no Pasifiku iha programas, bele halo mudansa diak ba feto hotu no mos ba komunidadade tomak.

IWDA servisu hamutuk ho organizasaun local sira iha Asia no Pasifiku, atu halo mudansa diak ba feto hotu no mos ba sira nia komunidadade. IWDA base iha Melbourne iha Australia. La iha edifisiu iha Dili maibe iha parseiru sira iha distrito Bobonaro ho Covalima. Ami iha IWDA kontente tebes-tebes bele servisu ho Organisaun Haburas Moris ho Centro Comunidade Covalima.

IWDA servisu dadaun iha Timor Leste. Hahu iha 2004, IWDA fo tanen ba organizasaun GFFTL (Grupo Feto Foin'sae Timor Loro'sae) atu halo programa alfabetizasaun (le'e no hakerek) no buka osan ho feto rurais, iha Distritu Baucau no Los Palos. IWDA mos fo tanen (apoiu) ba grupu teatru Bibi Bulak, atu hari grupu drama ba feto sira, naran DAMA.

Hahu iha tinan 2009, IWDA komesa suporta Centro Comunidade Covalima halo programa buka osan ba feto rurais.

IWDA bele fo tanen iha dezenvolvementu komunitariu ida sei feto sira no mane sira envolve makaas iha prosesuu nia laran hodi bele fo sai sira nia hanoin konaba oinsa dalan ba oin, nebe tuir kultura nebe iha, no rezolve problemas comunidade iha.

IWDA fiar katak dezenvolvementu iha comunidade nia laran mak diak liu se envolve feto no mane, ema kiak no riku, ferik, katuas no klosan tamba sira hotu hotu iha direitu atu koaliala, no komunidadade sira prezisa resultadu nebe diak ba ema hotu iha comunidade, laos ema ida, rua deit.

IWDA fiat katak:

Wainhira feto hetan benefisiu diak, komunidadade tomak mos hetan.

